


Aralin 1

Ang Ating Watawat


Karaniwang nakikita ang watawat sa harap ng mga paaralan at mga opisina ng pamahalang bayan. Mayroon din nito maging sa malalaking gusali o mga tanggapang pampribado man. Isipin mo, bakit nga ba naglalagay ng watawat sa ganoong mga lugar?






May kahulugan din kaya ang bawat bahagi at kulay nito? Nasa araling ito ang kasagutan sa mga tanong mo.




Pakinggan Natin











Alamin Natin

Ang Ating Watawat

May tatlong kulay ang
ating watawat
Pula, puti, at saka bughaw
May tatlong bituin at isang araw
Tunay na larawan nitong ating bayan.

Ang pula ay tanda
ng katapangan
Ang bughaw naman
ay kapayapaan
Puti ay tanda ng kalinisan
Mga katangian ng ating bayan.

Luzon, Visayas at Mindanao
Malalaking pulo ng ating bayan
Walong probinsiya
na nakipaglaban
Nang maging malaya itong
Inang Bayan.





Subukin Natin

Punan nang wastong sagot ang mga puwang. Pumili sa mga salita sa loob ng kahon.

kalinisan	bughaw	katapangan	walo	puti
tatlo	Luzon	pagmamahalan	kalayaan	

1. Ang sinasagisag ng pula ay _____.
2. Kapayapaan ang sinasagisag ng kulay _____.
3. Sinasagisag naman ng puti ang _____.
4. Tayo ay mayroong _____malalaking pulo.
5. May_____ sinag ang araw ng watawat.
6. Ang sinag ng araw ay kumakatawan sa _____ probinsya na nag-alsa upang makamit ang kalayaan.
7. Ang tatlong pinakamalalaking pulo sa Pilipinas ay _____ , Visayas, at Mindanao
8. Ang unang pagtataas ng ating watawat ay simbolo ng _____.

Ihambing ang iyong mga sagot sa Batayan sa Pagwawasto sa pahina 25.



Pag-usapan Natin

Ano-anong hugis ng bagay ang alam mo na? Tingnan mo ang ating watawat. Masasabi mo ba ang iba't ibang hugis na iyong makikita?

Magmasid sa paligid. Ano-ano ang hugis ng mga bagay na nakikita mo? Isulat mo.






Subukin Natin

Sa pag-aaral ng ating watawat, may iba't ibang hugis kang nakita.


Ngayon, tingnan mo ang mga hugis na nasa loob ng bawat kahon. Isulat ang sagot sa patlang.



(1) _____



(2) _____



(3) _____



Tandaan Natin

- Ang watawat ay sagisag ng ating bansa.
- Ang watawat ay may tatlong kulay.
- Ang pula ay sumasagisag sa katapangan.
- Ang bughaw ay sumasagisag sa kapayapaan.
- Ang puti ay sumasagisag sa kalinisan.
- Sinasagisag ng 3 bituin ang 3 malalaking pulo.
- Luzon, Visayas, at Mindanao ang pinakamalalaking pulo na bumubuo sa ating bansa.
- Walong probinsiya ang unang nag-alsa upang makamit ang ating kalayaan.
- Ang walong sinag ng araw sa watawat ang sumasagisag sa 8 probinsiya na nag-alsa upang makamit ang ating kalayaan.
- Ang ating watawat ay hugis parihaba.



Subukin Natin

Isulat ang mga pangungusap sa mga puwang o patlang.

1. May tatlong kulay ang ating watawat.

2. Ang watawat ay may tatlong bituin.

3. Tatlong malalaking pulo ang sinasagisag ng tatlong bituin.

4. Tumutukoy ang walong sinag ng araw sa walong probinsiya ng Pilipinas na unang nag-aklas upang makamit ang kalayaan.
